

Powšitkowne WOZJEWJENJA

njedźelu, 31. meje 2015

Wulět samostejacych tež za dalšich zajimcow

Za wulět samostejacych přichodnu wutoru, 2. junija, su hišće někotre městna swobodne. Štóz chcył sobu do Choćebuza a Błótow jěć, njech so hač do pónđzele, 1. junija, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

Bus pojedže po scěhowacym planje:

- 7.10 hodź. Radwor (pola Šmitec)
- 7.30 hodź. Dobrošicy (bus. zastanišćo)
- 7.35 hodź. Hórki (bus. zastanišćo)
- 7.38 hodź. Hrańca (bus. zastanišćo)
- 7.40 hodź. Nowa Wjeska (bus. zastan.)
- 7.45 hodź. Workleczy (bus. zastanišćo)
- 7.55 hodź. Pančicy-Kukow (šula)
- 8.00 hodź. Njebjelčicy (hospoda)
- 8.05 hodź. Serbske Pazlicy (bus. zastan.)
- 8.10 hodź. Pěskecy (bus. zastanišćo)
- 8.15 hodź. Róžant (bus. zastanišćo)
- 8.20 hodź. Smjerdžaca (bus. zastan.)
- 8.25 hodź. Šunow (křižowanišćo)
- 8.27 hodź. Konjecy (bus. zastanišćo)

Přidatny mały bus:

- 7.15 hodź. Budyšin (Hegelowa, w směrje do města)
- 7.40 hodź. Kašecy (bus. zastanišćo)
- 7.45 hodź. Wotrow (bus. zastanišćo)
- 8.00 hodź. Kamjenc (Macher. naměsto)

Tři swětowe nabožiny pod jednej třěchu

Imam Kadir Sanci z Berlina předstaji pónđzele, 8. junija, w Smochčanskim Domje biskopa Bena mjezynabožinski projekt „The House of One – tři swětowe nabožiny pod jednej třěchu“. Při tym jedna so wo něšto jónkrótne: Křescenjo, židža a muslimojo twarja zhromadnje dom, kotryž je cyrkej, synagoga a mošeja w jednym domje. Zarjadowanje džěloweho kruha židowstwo započnje so w 19.30hodź.

Za putnikowanje do Krupki so přizjewić

Młodostni wot 16 lět su přeprošeni, wot njedzele, 26. julija, do Krupki putnikować. Woni nawróca so pjatk, 31. julija. Přizjewić měli so zajimcy hač do pjatka, 26. junija, w Chrósćicach na farje, telefonowe čisło (03 57 96) 80 400. Po tym so přizjewjenja hižo njepřijimuju. Putnicy zetkaja so njedźelu, 5. julija (nic 29. junija, kaž bě to raz planowane), po nyšporje w Chrósćicach na farje, štož je za wšitkich nowačkow winowatosć. Nyšpor započnje so w 14 hodź. Putniska Boža mša w Krupce budže srjedu, 29. julija, w 10 hodź.

Projektowy dzeń za dźěci

Wšitke dźěci wot předšulskeje staroby hač do 6. lětnika su sobotu, 27. junija, na projektowy dzeń pod hesłom „Starkmachtag“ do Chróścic přeprošene. Tutón zarjaduje dekanatne dušepastyrstwo we Worklecach zhromadnje z dušepastyrstwom dźěci Drježdžansko-Mišnjanskeho biskopstwa. Dzeń podpěruje Němska biskopska konferenca. Nadrobnosće zhonja zajimcy z plakata we wosadach a z wupožonych flyerow (hlej tež www.posol.de). Přizjewjenja přijimuju so pisomnje hač do štwórtka, 18. junija, we Worklecach, Młynski puć 4.

Duchowny koncert 1. serbskeje kulturneje brigady

Na swój duchowny koncert přeprošuje chór 1. serbskeje kulturneje brigady z.t. sobotu, 13. junija, w 19.30 hodž. do Chróšćanskeje cyrkwe. Zaklinča stare a načasne twórby duchowneje chóroweje hudźby. Wumělski nawod změje Friedemann Böhme.

Lětni koncert w Radworju

Chór Meja přeprošuje wšitkich zajimcow na swój lětni koncert njedźelu, 14. junija, na zahrodu před Starej cyrkwičku w Radworju. Wot 15.30 hodž. poskići so swačina. Koncert zahaji so w 16 hodž. Lětuši program Mejanow steji pod hesłom „Jank a Hanka“. Wšitcy su wutrobnje přeprošeni.

2. Alojsowy festiwal w Radworju

Wot pjatka do njedźele, 3. do 5. julija, wotměje so w Radworju 2. Alojsowy festiwal. Wjace hač 200 młodostnych zwonka Łužicy je hižo přizjewjenych. Nadrobnije informacije nańdžeće na internetowej stronje www.alojsfestival.com.

Eksercicije w Drježdžanskim Domje Wysoke duby

Dny rozpominanja a modlenja wotměja so wot pjatka, 30. oktobra, we 18 hodž. hač do njedźele, 1. nowembra, w 10 hodž. w eksercicijnym Domje Wysoke duby w Drježdžanach. Jezuitski pater Willi Lambert je k temje „Z wutroby žiwy być – Haj k Lětu smilnosće“ přewjedže. Wón budže w němskej rěči přednošować, modlitwy a kěrluše budu serbske. Dny rozpominanja maja wěriwym pomhać, z duchownymi impulsami, wosobinskim modlenjom, rozmołwu a Božej mšu žro Jězusoweho ewangelija spóznać. Přizjewić měli so zajimcy w Chróścicach na farje, telefonowe čisło (03 57 96) 8 04 00, w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10. abo z mailku na info@haus-hoheneichen.de.